

Namołwa němskich biskopow k „Swětowej cyrkwinskej njedźeli modlenja a solidarносće“ (korona)

Lube sotry a lubi bratřa,

koronowa pandemija dźerži swět dale kruće w swojej horšći. Wšudže so ludžo boja, zo móhli so z wirusom natyknyć. Infekcije maja daloko sahace scěhi.

Chorosć so wšelako wuwija, njemało ludži jej podleži. Trěbne škitne naprawy pak tež čłowječe počahi zasadnje počezuja. Wosebje starši ludžo, ale tež dźěci pod tym ćerpja. Korona wohrožuje nimo toho zjawne žiwjenje a hospodarstwo.

W našim kraju je tójšto zawodow a předewzaćow w swojej eksistenciji wohroženych, čehoždla padny wjele žonow a muži krótkodžěta a bjezdžěnosće.

Jako cyrkej smy tohorunja potrjecheni: Čiže wosadne žiwjenje je lědma móžne a Bože služby smědža so jenož z wobmjezowanjami swječić. To wšitko nas jara starosći. Bjerjemy podžěl na nuzy a strachach, kotrež koronowa pandemija wuskutkuje, a přinošujemy ze swojimi móžnosćemi k tomu, zo bychmy krizu zmištrowali.

Zdobom wšak zwěšćamy, zo so nam w Němskej wjele lěpje dze hač wjetšinje ludži w druhich krajach a regionach swěta. Mamy fungowacy stat, stabilne strowotniske zastaranje a materielne móžnosće, zo by so nuza zlahodžiła kaž tež hospodarstwo někak w kmanym stawje dźeržało. Wšo to njeje přewažnemu dźelej čłowjestwoweje swójby móžno. Chudzi w Africe, Aziji a łaćonskej

Americe a wuchodnej Europje su wot koronoweje krizy wjele hórje potrjecheni hač my. Bydlenske wuměnenja a chudoba zadžěwaja tam hygienje a distancy, přehusto pobrachuje přistup k strowotniskim poslužbam. Njeličomni zhubja swój materielný zakład žiwjenja, dokelž hižo džěto njenańdu. Po aktualnych studijach rozrosće z pandemiju ličba hłód tradacych wo wjele milionow.

W tymle dramatiskim połoženju smy tež my w Němskej žadani. Jako Němska biskopska konferenca namołwjamy zhromadnje ze swojimi biskopstwami, cyrkwinskimi skutkami a rjadami k „Swětowej cyrkwinskej njedźeli modlenja a solidarносće“. Wona ma so we wšěch wosadach 6. septembra 2020

wopominać. Wěriwi su přeprošeni, so na tutym dnju wo konsekwencach pandemije po wšěm swěće informować a so za ćerpjacych na swěće modlić.

Prosmy zdobom wo wulkomyslny dar za koronowu pomoc w swětowej cyrkwi – při zběrce abo na druhe wašnje.

Modlmy so a pomhajmy! Pokažmy jako křescenje, što je nam hladajo na tutu globalnu krizu nawdate.

We Würzburgu 24. awgusta 2020

za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop

Tale namołwa ma so njedźelu, 30. awgusta 2020, na wšitkich Božich službach (tež na přewječornych) předčitać a wěriwym na druhe wašnje spřistupnić.